

Le dotur Eduard **Agreiter é demez ai 15 y 16** (jöbia y vëndres) d'otober y vëgn sostitui dala doturia Mahlknecht 349 06 67 034

L'apoteca **Pütia é stluta dai 18 ai 25 d'otober.**

PLOANIES SAN MARTIN Y LUNGIARÛ

Le mëis d'otober se tolunse dant da dí **vigni sêra la corona te familia**; chësc dess porté pro che la vita cristiana se renforzes. *siur Ploan*

Domënia (04/10) dales 15.00: Traslaziun de **Chël Bel Dî dala Crusc** a San Linert.
Domënia (11/10) dales 15.00: a San Linert: prozesciun cun Chël Bel Dî dala Crusc.

En lönesc, ai 5 d'otober, tignunse a San Martin **na prozesciun cun ciandêres** do le tru de meditaziun, pian ia da Prade dales 19.30, y na funziun dedô te dljia por recordé y rengrazié dla **canonisaziun de Sant Ujöp da Oies ai 5 d'otober 2003**. Ince chi di païsc dlungia é bel invia. Präibel tolêsse do instêsc na ciandêra o na linterna.

N bun matrimone y na buna **armonia danter i partner ti dá stabilité a dōta la familia**. Dai 2 ai 6 d'otober vëgnel tigní tla Ciasa por la Familia a Lichtenstern söl Ritten n Partnerschaftsfestival. An pó ince tó pert a òna o deplü manifestaziuns. Prenotesse 0471 345172. Info www.weilidimog.de

SAN MARTIN

La **Schira Jonila (Jungschar) da San Martin chir jones da daidé**. Sce t'as complí 16 agn y vōia da fá impara, präibel lāscete adintēne cina al plü tert en domënia, ai 11 d'otober pro Martina 349 64 73 206.

L'Uniun dles Êres invieia en jöbia, 8 d'otober, dales 14.00, a na picia spazirada y ciastagnada da Porsenú ia. Prenotaziuns Romi 339 71 64 521. Dōtes é bel inviades.

Dilan: En **recordanza dla defunta Tarina Clara** él gnü fat ofertes por la dljia da Otto Erlacher, Nina Rubatscher, dai familiars dla defunta; por suor Chiara Ellecosta da Marino Clara y mituns. Dêr bel dilan!

LUNGIARÛ

Le Cor de dljia da Lungiarü tignará en Santa Lizia so marcé, sciöche i atri agn. Al vëgn perié la jënt da contribui cun patüc.

Le "**Grup sportif dl cör Val Badia**" s'abina indô vigni lönesc dales 18.00 tla palestra da San Martin por dōtalan de scora a n'ora de ginastica cun le maester spezialisé Markus Winkler por chi y chêres che à val' problems cun le cör. Düc i interesciá pó gní a odëi y porvé. Le cost dl curs é de 150 €. Tratan le curs él n dotur presënt. Info Markus Winkler 338 5867867 o Renato Paratscha 348 7457309.

„**Intoleranzes y d'atri tiers de ciasa**“ Simon Kostner cunta te n monologh por todësch y por ladin ci ch'al ne soporta nia, en dedemasaledema, ai 7 d'otober, dales 20.00 tla Ostaria da Picolin. Al sará spo ciamó da aldí dui iadi tla Val Badia.

En sabeda, ai 10 d'otober, dales 17.00, tl salf manifestaziuns da La Pli: presentaziun dla publicaziun dl Museum Ladin „**Le Scioz da San Jenn**“ de Angelo Trebo y Jepele Frontull, cun la musiga recostruida da Fonso Willeit y le test revijioné da Paul Videsott. André Comploi presentará la storia y le contignü de chëst'opra y la vita di dui auturs. Al cianta perts fora dl'opra le Cor de dljia y i jobleri dl'ultima rapresentaziun 1994.

L'Istitut Ladin invieia en vëndres ai 9 d'otober, dales 20.00, tl salf dl Istitut a San Martin ala presentaziun dl liber „**La lôm y l'anterbanch**“ de Christian Ferdigg.



internet: www.valbadiaonline.com

Plata dles Ploanies San Martin y Lungiarü

siur **Iaco Ploner** 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

4.10.- 11.10.2015 nr. 45

termo da publiché: jöbia 20.00
radio: 90,40 / 93,70

27^a DOMËNIA IA POR L'ANN B

Vangele: Merch 9, 38–43.45.47–48

Te chël tēmp
él gnü farisês da Gejù y à damanè: Po n'ël
desgorje súa fomena fora dl matrimone?
Cun chësc orô ti mēte na tēnora.
Al ti à respognü: Cî ves à pa Mosè scrit dant?
Ai à dit: Mosè à conzedü de scrî n at de
despartiziun y de la lascè jì.

Gejù ti à respognü:
Mâ deach'î sêis tan dürs de cör, ves àl dè chësta norma.
Tl scomenciamēt dla creaziun i à Idî cherié sciöche ël y ëra.
Porchël arbandonarà l'ël pere y uma, y i dui sarà òna na cern.
Insciö n'ési nia plü dui, mo un.
Porchël ne dess le chestian nia despartî cî che Idî à lié.

*Por Gejù é le matrimone cotan deplü co n'contrat.
Gejù recorda che la fondamēta dl matrimone é tla creaziun de Dî.
Nia i sentimēnc de dōes porsones n'é la fondamēta sigüda por n'matrimone,
mo la dezijiun de Dî de cherié les porsones sciöche ël y ëra y un por l'ater.*

*La Sacra Scritöra ne vëiga tl matrimone indî ne nia döt bel y saurí.
„Ci che Idî á lié“ ó dí traslaté avisa: „Ci che Idî á aficé sot al medemo ju“.
Le matrimone é n tru deboriada tl medemo vers, n porté adöm ince pëisc pesoc.*

*Che le matrimone n'é nia na löna de mil por dōta la vita é tres plü cosciēt tla
jënt da incö. Forsc é chësta na gauja ch'al n'é demanco che se marida.*

*La Dljia nes invieia da odëi tl matrimone dantadöt le post elementar olache al
se realisëia le règn de Dî y olach'î podun ciarcé val' dl cil bele sön chësta tera.*

*Le lian dl matrimone ne vëgn dessigü nia tigní adöm y garantí, condanan chi che
é jüs indalater. L'estlujun ne varësc degönes plaies; misericordia é le tru tl vers
dl règn de Dî. (M.T.)*



	SAN MARTIN		LUNGIARÜ
04.10.15 27^a Domënia ia por l'ann B Segra dl Rosare <i>San Francësch</i>	9.00 Prozesciun dl Rosare 9.30 Gran Mëssa por la comunité de rengraziamënt dla racoiüda 10.30 <i>Indunada cun i sorvidus te calonia</i>	04.10.15 Domënia	7.55 Adoraziun de rengraziamënt dla racoiüda 8.15 Gran Mëssa por la comunité y por le Grup che præia le Rosare dedô Adoraziun de rengraziamënt dla racoiüda 15.00 Corona tla capela de S. Ujöp Freinademetz
05.10.15 Lönesc <i>Faustina Kowalska</i>	19.30 Prozesciun cun ciandëres por recordé la cononisaziun de S. Ujöp Freinademetz da Pradel por le tru de meditaziun y funziun te dlijia	05.10.15 Lönesc	19.30 Prozesciun cun ciandëres por recordé la cononisaziun de S. Ujöp Freinademetz da Pradel por le tru de meditaziun y funziun te dlijia
06.10.15 Dedolönesc <i>Bruno, Renat</i>	<i>degöna mëssa</i>	06.10.15 Mertesc	
07.10.15 Dedemesaledema <i>Santa Maria dl Rosare, Iustina</i>	19.30 Corona d'otober	07.10.15 Mercui	<i>degöna mëssa</i>
08.10.15 Jöbia <i>Scimun, Gunther</i>	7.30 Mëssa + Bino Pedevilla + Maria Unterweger + Tarina Clara (dla Uniun) Corona por vocaziuns	08.10.15 Jöbia	
09.10.15 Vëndres <i>Dionise, Sibila</i>	19.00 Adoraziun chîta 19.30 Corona d'otober	09.10.15 Vëndres	7.30 Mëssa + + Vani dl Tondl y Carlo Dejaco + + de Monica Costa + Franz Clara, mone
10.10.15 Sabeda <i>Daniel Comboni</i>	15.30 Mëssa tla Ciasa de Palsa 18.30 Mëssa prefestia + + Mizi y Sep1 Dejaco (dl ann) + Milia Kostner + + Tolpeit Ju	10.10.15 Sabeda	20.00 Mëssa prefestia dl ann Hermann Pezzei dl ann Nisio Clara + + Franz y Mila Costa y Pepi Dejaco + + Anastasia y Heinrich Schanung
11.10.15 28^a Domënia ia por l'ann B <i>Jan XXIII</i>	9.30 Gran Mëssa dla comunité	11.10.15 Domënia	<i>Segra da Lungiarü</i> 7.55 Corona 8.15 Gran Mëssa dla comunité 15.00 Corona tla capela de S. Ujöp Freinademetz